

ԿՐՕՆԱԳԻՏԱԿԱՆ

**Տ. ԲԱԳՐԱՏ ԵՊԻՍԿՈՊՈՍ ԳԱԼՍԱՆՅԱՆԻ ՔԱՐՈԶԸ՝
ԽՈՍՎԱԾ Ս. ԷԶՄԻԱԾՆԻ ՄԱՅՐ ՏԱՃԱՐՈՒՄ
Ս. ՂԵԴՈՆԴՅԱՆՑ ՔԱՆԱՆԱՅԻՑ ՆԻՇԱՏԱԿՈՒԹՅԱՆ ՕՐՎԱ
ԵՒ ՔԱՆԱՆԱՅԱԿԱՆ ՉԵՌՆԱԴՐՈՒԹՅԱՆ ԱՌԻԹՈՎ**
(10 փետրվարի, 2015 թ.)

Յանուն Նոր և Որդւոյ և Նոգւոյն Սրբոյ. ամէն:

«Ես լսեցի Տիրոջ ձայնը, որն ասում էր.
«Ո՛ւմ ուղարկեմ կամ ո՞վ կգնա այդ ժողովրդի մոտ»:
Ու ես ասացի. «Ահա վասիկ ես, ի՛նձ ուղարկիր»
(Ես. 2. 8):

Փառքի, գոհության, ուրախության, բարեխոսություն հայցելու և միևնույն ժամանակ պարասխանաբարության օր է այսօր. խնդրում ենք բարեխոսությունը Ղեռնդյանց մեր նահարակ հայրերի և հայցում նրանց առաջնորդող ներկայությունը մեր կյանքում:

Այսօր մեր Սուրբ Եկեղեցու մեծագույն փոներից է, նահարակության և հաղթանակի վկայության փոներից մեկը, որը պարսմության մեջ ամփոփված և վերջացած իրադարձություն չէ, այլ շարունակվում և շարունակվելու է այնքան ժամանակ, որքան այս երկրի վրա գոյություն է ունենալու Տիրոջ Սուրբ Եկեղեցին: Այն լցվելու, առաքանալու է աստվածային շնորհներով, այդ Սուրբ Եկեղեցուց բաշխվելու է Տիրոջ գոհաբերվող և հաղթանակ պարգևող մարմինն ու արյունը, նրա կյանքը առաքանալու է նորադարձ քրիստոնյաներով, խորաններից վկայելու է մարգարեական և աստվածային ճշմարտության մասին, մեկնելու է հեռավոր վայրեր՝ առաքելական անհոգնությամբ փարածելու Տիրոջ կենսաբույ խոսքը:

Եւ այսօր, հենց այս զգացումով ու ապրումներով, այդ հավիտենական ճշմարտության գիտակցությամբ, աստվածային նախախնամությամբ և Ամենայն Նայոց Նայրապետի օրհնությամբ խնդրեցինք ու աղոթեցինք՝ մեր ձեռքը դնելով նորընձա քահանա հայրերի գլուխներին. մեր Եկեղեցու ութ նոր քահանա

հայր՝ մարգարեությամբ, առաքելական ուսուցմամբ, արքայական պարվով ու Ղևոնդյանց նահապետության բարձր գիտակցումով այս Սուրբ Խորանի վրա ուխտեց առնել և ուսուցանել, ուխտեց կոչվել այնպեղ, ուր Սուրբ Նոգին կկանգնի, ուխտեց բժշկություն կատարել մեր ժողովրդի կյանքում, բանալ աչքերը, բացել ականջները և առաջնորդել իրեն վստահված հոսքը:

Այսօր վստահ եմ, որ ցնծում է ոչ միայն երկրում ապրող զինվորյալ Եկեղեցին, այլև երկնքում բույլ կազմած, շուրջպար բռնած՝ հաղթանակած Եկեղեցին: Եւ այս զգացումներն էին իմ մեջ այս քանի օրերին՝ հոգևոր պարբասություն խնդրելով Տիրոջից, որ իմ անարժան ձեռքով կատարված այս ձեռնադրությունն ու օծումն արժանավոր դարձնի մեր շար սիրելի քահանա հայրերին: Այս զգացումն էր, որ ինձ անընդհատ մղում էր ընթերցելու, աղոթելու խոսքերով Եսայի մարգարեի, ով կանգնած էր Ասրծու փառքի առջև՝ չերկյուղելով իր տեսիլքից, քառակուսած և շփոթված, թե ինչ պարվի է արժանացել՝ Տիրոջ այցելությունն ու նենալով: Չվարանեց նաև հարցնել, թե ինչպես պետք է Տիրոջ ճշմարտությունն իր պիղծ շուրթերով քարոզի մեղսագործ ժողովրդին: Ասրված կրակով սրբեց մարգարեի շուրթերը, և այդ զգացողությունն ինձ համար չմնաց միայն Սուրբ Գրքում, այլ այսօր հենց այս Սուրբ Խորանի վրա Սուրբ Նոգու այդ կրակը կարծես թե մաքրում է մեր շուրթերը: Եւ չբարամսեց մարգարեն, կանգնեց Ասրծո առջև ու ասաց. «Եւ դու հարցնում ես, թե ում ուղարկես այդ ժողովրդի մոտ. ահավասիկ ինձ, ո՛վ Տեր, ուղարկի՛ր ինձ, հանձն եմ առնում գնալ ու քարոզել -Քո ճշմարտությունն այդ ժողովրդին, ցույց տալ -Քո Լույսի ճանապարհները, ապրել նրա ցավով և ուրախությամբ, զգալ նրա տառապանքն ու պարգևել հաղթանակի շնորհը, լինել առաջնորդ՝ առանց երկյուղի, երկմտելու, առանց տատանվելու, ամաչելու, քաջությամբ, -Քո խոսքի առաջնորդությամբ և Սուրբ Նոգու հրեղեն ներկայությամբ» (հմմտ. Ես. Զ. 8):

Եւ իմ միտքը վերադառնում է մարգարեների ժամանակը, առաքյալների քարոզչությանը, մեր հայրերի, Ղևոնդյանց և Վարդանանց մեծ սրբերի նահապետության վկայությանը, ցեղասպանության միջով անցած մեր ժողովրդի վերընձյուղված, հաղթանակած և օրհնված ճշմարտությանը, հարությունական իրականությանը: Յանկանում եմ մեր հայացքը սեւեռել՝ ասելով, որ հալածանքների շրջանը չի ավարտվել և չի ավարտվելու, քանի դեռ այս Սուրբ Եկեղեցին կանգնած է, գործում է ու խոսելու է Ասրծո մասին, վկայելու է Նրա ճշմարտությունը, և հալածանքն էլ լինելու է մեր պարիվը, փառքն ու այությունը, մեր տարբերությունն այս աշխարհից: Նախաձեռնեք մեզ չի ընկճելու, ինչ տեսքով էլ որ գա՝ սրով, հրով թե այլ կերպ: Եւ կարծես այս օրերի մասին էին վկայում Ղևոնդյանք՝ շուրթերով Ղևոնդ երեցի, որն իր և իր ողջ ժողովրդի նահապետության պահին դուրս գալով հալածող թշնամու դիմաց, գուրեպնդելով՝ ասում



Նորած քահանաների ընդունելությունն ինն Վեհաբարանում

Է. «Մարդկանց միջից հեռացնենք խավար խորհուրդը մոլորեցնողների, նրանց եղկելի ու ողորմելի համարենք, մանավանդ որ կամավորապես են ուրացել և ոչ պարտադրված. նրանք երբեք չեն գտնվում ճշմարտության ճանապարհը: Կուրացածները վրիպեցին կյանքից, իսկ դուք, որ հավատարմվ ընդունեցիք, որդի եք և ոչ օտար, սիրելի եք և ոչ թշնամի, ժառանգորդն եք Վերին իմանալի քաղաքի»: Այս է մեր ճշմարտությունը, այս զգացումով է, սիրելի՛ քահանա հայրեր, որ ձեզ այսօր կոչեցինք՝ ձեռնադրելով ու օծելով Տիրոջ այգում և անդասարանում լինելու կույրերին լույս պարզեցող, խավարի մեջ մնացողին դուրս բերող, դեպի ճշմարտություն առաջնորդող, լինելու և մնալու հավատարիմ գավակները Ամենայն Հայոց Հայրապետի, նվիրյալ ծառաները Հայ Առաքելական Սուրբ Եկեղեցու, լինելու խոնարհ, հեզ, համբերող, սիրող... Չվախենա՛ք ու չքաշվե՛ք ոչնչից, չամաչե՛ք այն լուծից, որ առել եք ձեր ուսերին, քարոզե՛ք Տիրոջ մասին ամեն օր, ամեն ժամ՝ լինի փողոցում, Եկեղեցում թե որևէ այլ վայրում... Չմիախառնվեք աշխարհին, չդառնաք նույնը աշխարհի հետ, այլ այսօրվա խորհուրդը մշտապես ձեր մարմնում ունենալով՝ ապրե՛ք Առնոյանց նահապարակների առաջնորդությամբ ու Սուրբ Հոգու վառող կրակով, դարձե՛ք իրապես քահանա, ինչպես մեր հայրերից Խոսրով Անձեաացին է ասում. «Լինելու Աստծու բերանը ժողովրդի համար և ժողովրդի բերանը Աստծո համար»: Աստված թո՛ղ Իր հետ կնքած ուխտի մեջ ձեզ հաստատուն պահի, չսասանվե՛ք, ձեր ուսերին է դրված Նրա խոսքը քարոզելու պարտականությունը, ցրե՛ք ձեր կյանքը Սուրբ Հոգով, առե՛ք ձեր ուսերին Տիրոջ լուծը, քանզի այն քաղցր է...

Վեհափա՛ռ Տեր, թույլ փվեք որդիական խոնարհությամբ մեր խորին երախտագիտությունը հայրենի այս ծննդյան Սուրբ Խորանից Ձեզ գավակներ պարզելու շնորհի համար: Թո՛ղ Ձեր գավազանը հաստատու մնա մեր ժողովրդի կյանքում, Ձեր աջը հովանավոր ու հովանի լինի մեզ: Մեր շնորհավորանքները Սրբազան հայրերին, վարդապետներին, քահանաներին ու սարկավազներին. ովքեր կզգան այսօրվա ճշմարտությունն ու իրականությունը, թո՛ղ ապրեն դրա մեջ, ովքեր ապրում են այդ գիտակցումով, թո՛ղ ավելի գորանան:

Եւ փա՛ռք Աստծո, սիրելի՛ հոգևոր եղբայրներ, այսօր մեր կյանքն ընթանալու է Տիրոջ առաջնորդությամբ, և երբեք ընկճում չի լինելու: Դուք եք հույսն ու լույսը մեր ժողովրդի, ուստի ապրեք ժողովրդի ցավով և ուրախությամբ:

Սիրելի՛ ժողովուրդ, այսօր նոր քահանաներ ու ծառաներ, հոգևոր եղբայրներ և առաջնորդներ ունեցաք, աղոթենք ու փառք քանք Աստծուն՝ Ամենակալ մեր Տիրոջը՝ ասելով. «Տերն է մեր Հայրը, Տերն է մեր դարավորը, Տերն է մեր իշխանը, Տերն է մեր թագավորը, Տերն է մեր փրկիչը, ու Նա է առաջնորդելու և փրկելու մեզ. ամեն»: